

ديوان

ياصبر أيوب

(أشعار بالعامية المصريه)



للشاعرة: نهي بدوية



حقوق الطبع والنشر محفوظة
لدار الأديب للطبع والنشر والتوزيع

لا يجوز طبع أو نشر هذا الكتاب دون الحصول على إذن خطي من الناشر لاستخدام أي مادة من مواد هذا الكتاب أو نسخها أو إعادة نشرها أو نقلها كليا أو جزئيا بأي شكل وأي وسيلة سوف يقع تحت طائلة المسائلة القانونية.

دار الأديب للطبع والنشر والتوزيع

يا صبر أيوب .. (الطبعة الأولى)

((نهى بدوية))

2021/14852 بدار الكتب المصرية

تصميم واخراج .. دار الأديب .



daraladeeb@gmail.com

Tel: 002- 01014449164

اسم الدار

اسم الديوان

اسم الشاعرة

رقم الإيداع

الإخراج الفني..والغلاف





الاهداء

أهدي ديواني هذا الى: أبي وأمي وأبنائي الأغزاء..
وزوجي الحبيب.
شكراً لكم لقد اخذت من وقتكم الكثير والكثير حتى
خرج ديواني الأول (يا صبر أيوب) الى النور..
شكراً لكل من وقف معي لأصل إلى طريق النجاح
فقد كنتم تمدونني بالقوة والعزيمة والاصرار على
المواصلة ..واكمال الطريق الى نهايته .
شكراً .. لكل من وقفوا بجواري لتكملة مشواري
شكراً.. بيتي الثاني بيت ثقافة السرو .. وكل العاملين به
فلولا الله ثم أنتم ما كان ديواني هذا..

نهي بروية ..





يا صبر أيوب !!..

يا صبر أيوب !!..



يا صبر أيوب !!..
قولي ليه طال ليالك ..؟؟
صبرت كثير
وغنيت الشعر
في مواويلك
واللي يسمع غنايا
يقول ياويل ويالك
سألوني عن كتباتي
بتحكي ليه ألم..؟

((4))





معذوره دنيا البشر
أصل الكلام دباح
سمعوا العجب يا ما
وفي كل جرح براح
يتيمه فيك يا زمن
والظلم فيا مباح...!!





يا صبر أيوب !!..

حاله نادره..!!



انت عارف انت أيه..؟!
حاله نادره م الوجود
شي بيرسم في الوجوه
ضحكه صافيه ع الشفايف
فرحه طايره ف القلوب
انت حاله م السرور..
ع اللي عاش الحزن عاده
واللي قال الدنيا ساده
خاليا اصلا م السعاده
انت نور الليل وقمره

((6))





والجمال وياه وسهره
والبراءه بنظره منك
تبقى جنه جميله ليا
انت عمر بعيشه تاني
والسنين وياك ثواني
يعني اصلا حاله نادره
حاله جايبه أحلا بكره!!





يا صبر أيوب !!

راجع ليه..؟؟؟



راجع تاني تقرب ليه
فاكر يعني قلبي دا ايه
مرسى ومينا تعدي عليه
بعد ما تبعد ترجع ليه
كنت زمان انا بترجاك
تفضل جنبي واكون صيناك
فاكر لما انا جيت وبكيت
واتمنيك اهل وبيت
عشمتني بوعود وعهود
وحلفتلي حتكون موجود





تملا حياتي بالفرح تملي
نسهر طول الليل ونغني
ونجيب بدل الطفل اتنين
هيكون نبض كمان وحنين
واتغيرت مع الايام
كل وعودك ليا كلام
حلم جميل كان عمره قصير
بس فضلت عايش متحير
راجع تاني ليه وتقرب
قلبي خلاص م الجرح اهو جرب
بس اتعلم يفضل واعى
ولا يفتح تاني لاوجاعى





يا صبر أيوب !!

مشوار حياه ..



نفسى مره حلمي يصحى
بيقاليه في الكون ده فرصه
عايزه لما احكي حكايتي
بالقلم الكل يقرأ
ولما اكتب في روايتي
يعرفوا كيف صرت اقوى
بنت كانت طفله غامضه
مثل زهره في عود ربيع





البراءه كات حياتها
شايفه كل الكون بديع
الجمال كان في بدايتها
لما عدى العمر عشره
اتقطف زهرة شبابها
وابتدت مشوار حياه
كله جرح وكله ااه
واللي كان في الدنيا ليها
حلم نابت من سنين
كبرت البنت في ايديها
القلم وكتاب حزين
من جرحها كتبت سطور
والحزن كان ملو الشطور
كتبت حياتها ع الورق





ما الكل سابها وأفترق
كتبت اغاني اتلحنت
على عزف عود وناي حزين
محلها طفله معجزه
م الجرح كتبت همها
في الشعر ويا الماواويل..





يا صبر أيوب...!!

صعب جرحك...!!



صعب تبقى..
في شده تلقى
حد جنبك بيواسيك
حد شايل حمل همك
كل همه انه يراضيك
والا ايد تمسح دموعك
يوم تضيق الدنيا بيك..
لملم الجرح في ضلوعك
واوعى تشكي انك حزين
ياللي فاكر كل همك..
وحدتك من غير رفيق





دي مركب الأصحاب تضلك
في ثانيه تلقى انك غريق
اياك في مره تقول يا صاحبي
خد بايدي طيب لي جرحي
بكرا صاحبك يوم يبيعك
ويزود الجرح اللي فيك





يا صبر أيوب...!!

بيني وبينك..



بيني وبينك..

حب كبير

لسه ما بنا

عمر طويل

المسافات لما بتتباعد

يبقى الشوق جوانا يزيد

اصل صحيح الهوى كداب

يوم نتقابل

نبقى احباب

ويوم ورا منه

نعيش أعراب





أصل الحب عذاب في عذاب
عشق وغيره..
وحيره ونار
ومن التفكير
أنا عقلي احتار
حتى القلب ف عز حالاته
جاي بيقول ان انت حياته
حب دا والا جنون في جنون
والا يكون ده العشق بذاته





يا صبر أيوب !!

اضحكي للدنيا..



اضحكي وافرحي..
غني وغردي
واخرجي للدنيا وحلاوتها
ده العمر ساعات
والوقت اهو فات
واحنا ع الحال ده في سكتها
ما بلاها آلام
وكفايه كلام
وهمومنا خلاص هنسكتها
نزعل على آيه..؟

((17))





وحنزن ليه..؟
واحناع الدنيا مفارقينها
كلها أيام..!!
بتعدي قوام
ومسيرنا في يوم كده سايبينها
ولا قولة آآه..!!
ولا جرح معاه
هتبدل حالها وتعديلها
ده الحزن غريب
وملهش طيب
في الدنيا يضيع حلاوتها
والفرحه عشان
تمحي الاحزان
اضحك للدنيا وجنتها..





يا صبر أيوب !!

متزعليش..!؟



لو قالو عنك..
يوم تديق الدنيا بيهم
تعنا فيك..
تعنا منك..
اوعي مره تصدقيهم
واعذريهم
دول ولادك
وانتي أم
الكون وليهم
مهما قالو..

((19))





يا صبر أيوب !!..

ومهما زعلو
مهما راحو
ومهما بعدو
الحنين ليك
بيناديهم..
اللي شرق
واللي غرب
كان بيبيكي
بحرقه لما
يفتكر لمة
صحابه..
وذكريات
تجيب تودي
ومين يا عين..؟
في الغريه..





لما كان بيتعب
دق بابه..
يا مصر دمي بيروي منك
مهما يحكو
يقولو عنك
اوعي يوم تقسي عليهم
دول شبابك
دول حمايتك
وقت شده
بتلاقيهم
اللي ضحى بعمره لأجل
تبقي ليهم
عائشه صابره
تملي ناصره
وبالمحن .. بتعدي بيهم !!





يا صبر أيوب !!

حب وعذاب..



فجأه بعدت..
وده اختيارك
وبعدي عنك
كان قرارك
في لحظه..
تنسى الحلو بينا
وحب عمره
سنين طويله..
غلطانه عاتبني
زعلان حاسبني





لكن تسيبني..
ودموعي تجري
على خدي ليه..؟
كسرت قلبي
بالفرقه لما..
نهيت سنين
الحب بينا
أبكي عليك
والا عليا..
على جرحي منك
والا الاسيه
زرعت من
حبك ورود
اتاري وردك
جنيته شوك





وجرحني كلي
وجاي تلومني..
وفات خلاص..
وقته العتاب
خلصت حكاية
لعبه سنين
حب وعذاب..





يا صبر أيوب !!..

نبض الحياه ..



ضحكت لينا الليالي..
بعد عذاب السنين
ورجعت لي يا غالي
وأنا كلي لك حنين
كانت الايام في بعدك
مليانه عذاب وآآه !!..
وأنا قلبي يا ما نادى
عليك نبض الحياه
احنا من يوم لقانا..
وطريقنا كله فرح





وده عهد وكان ما بينا
ما يكون في حياتنا جرح
ولا مره يتوه طريقنا..
ولا تتغير حياتنا
ع الوعد احنا اتعاهدنا
وحالفين نصون العهد





يا صبر أيوب !!..

مكتوب عليا الوجد !!..



مكتوب عليا الوجد..
مكتوب لعمرى جراح
أنا قلبي والله اتوجد..
ولا عشت يوم مرتاح
مكتوبلى اداوى هموم
وادارى فى همومى..
مكتوبلى أعيش مظلوم
من غدرهم وخانونى
انا والله عمرى مالوم
على صحبه كدابه..
خدعونى والله وكان

((27))





الجرح بزياده..
صبرا ياربي هقول..
انصرني ع الظالم
انا عمري والله ما كون
كيف طبعهم غادر..؟
شر البشر مطبوعه
القسوه في قلوبهم
الرحمه كات منزوعه
والكره في نفوسهم..!!





ودعي ولادك يا مصر..!؟



ودعي ولادك يا مصر..
اللي كان شهيد شهامه
واللي كان شهيد في قطر
واللي ع الحدود في سينا
مات شهيد لأجل نصر..
ودعي ولادك يا مصر..
اطفال شباب زهرة جنابن
ماتو غدر بيد خاين
والقبور عماله تحضن





في الولاد وفي المداين
ودعي ولادك يا مصر..
واكتبو اسم الشهيد
على كل حاره ومدرسه
اللي كان لامه وحيد
وكات حياته كبش الفدا
ودعي ولادك يا مصر..!؟





يا صبر أيوب...!!

أصعب قرار...!!



قلبك قوي..
وقلبي الضعيف
مقدرش يبعد
رغم الألم..
رغم تخطي
الكبرياء
أنا بعترف
انك حياه..
وان انسحابك
من حياتي





يا صبر أيوب !!..

كان حقيقي
أصعب قرار
اختار أموت..
لكن أشوف
لحظة فراقنا
يا قلبي صعب
أتحملة..
قلبك دا كان
ليا الأمان
لو يوم تروح
تبعد بعيد
برجعله تاني..
وأحن له..!!





يا صبر أيوب !!..

شوق وحنين..



ويرجعنا الحنين..
للذكرى من سنين
يا ما كنا قريبين
من ناسنا الطيبين
بعدنا كثير ودوبنا
وليه يا احبابنا توها
والشوق جوانا زاد
وليه خدنا البعاد..
وذكرى تمر بينا
ودموع تجرح عينا
وحنين م الشوق غلبنا
وغنوه تصحي فينا.. ذكرايات ماضينا..!!





يا صبر أيوب !!..

عذاب السنين !!..



كله بيحلف ويوعد !!..

وازاى يا صاحبي توعد

وأنت ناوي الفراق..

وان هان عليك فراقي

ازاي ترضى بعذابي

وأنا ليك انا بشتاق

كنت بتجرح واداوي..

وبالمك ليا غاوي





توجع قلبي الحزين
وتفوتني لوحدي أنا
ويا عذاب السنين
مكتوب عليا عمري..
يحتارو الناس في أمري
واداوي بالصبر جرحي
لكني مش طبيب..





يا صبر أيوب !!..

يا .. سوريا ..!؟!



يا سوريا الجميله..
ليه دايمًا حزينه..؟
بقسوة ولادك
عليكي بكينا..
ومهما تشوفي بكيد الاعادي
هنفضل نغني ونهتف بلادي
يا نبض الحقيقه يا شاغله القلوب
دا فيكي الحبايب..
وقلبي اللي دايب..
وعشقي اللي ليكي ما بينتهيش





ولا عمري انسى
ولا يوم في بعدك
راح اقدر أعيش..
كتبتك بدمي حروفك لأنني
جوا في وريدي
اسمك يعني
عشقتك لأنك
جنة في سمايا
وأنا ليا فيكي قصه طويله
حكاية بتكتب رواية ولادك
سنين عايشه فينا عذابي وعذابك
فصبرا جميلتي زيتونك ونخلك
على غصن صدرك بيطرح امالك
ولسه بينده عليك السلام
يا بحر المحبه وشط الأمان..





يا صبر أيوب...!!

طيب الغلابه..



سبت الغلابه للديابه

لمين يروحو بجرحهم..؟

مين يا طيب هيجن

تاتي ع الغلابه وهمهم

اللي بتبكي على ضناها

مين هيداويه مفيش معاها..؟

تمن الروشته عندهم

يا حزن قلبي عليك مشالي





كنت في زمننا مثالي..
زمان رفضت طبعهم
أو تبقى نسخه منهم
ووهبت نفسك للفقير
كان كل همك همهم..
عشت مخلص وبضمير
واليوم فراقك م الحياه
الفراق مكتوب علينا..
بس صورتك ساكنه فينا
كل تجعيده في ملامحك
ليها الف حكايه لينا
كل حاجه سايبها منك..
تبقى ليك ذكرى جميله





نفسى حد يحكى عنك
في كتاب أجيال طويله
يدروسها في المدراس
ما انت قدوه وفخر لينا
وفي سلام الله ختامي
يا محمد يا مشالي.. ألف رحمه ونور عليك..





يا صبر أيوب !!

آهات الروح ..



جوا الروح..
آهات بتبوح..!!
جراح في القلب
فاض بيها
آسى الحكايات
وعمري اهو فات
ولسه جراحي
بداويها.....
وفجأه افوق
ابص لفوق
اقوله يارب
عديها





يا صبر أيوب...!!

اكتبوا ع القبر اسمي...!!



اكتبوا ع القبر اسمي..!

اكتبوا الشهره شاعر

والا كان مني وعارفني

عارف ان الجرح واعر..



كننوا ياما بتسألوني

ع الدموع اللي في عيوني

ولما كنت احكيلكو همي

كننوا فيا بتلوموني





اكتبوا ع القبر كانت
اغت ليكم وقت ضيق..
وأنها أبدا ما خانت
رغم تاه بيها الطريق
وسبحه

اكتبوا ع القبر اني
كنت نفسي افرح لكني
حزني باعد فرحي عني
وفجأه راح العمر مني





يا.. أمي..



يا ست الكل يا شقيانا..
يا زرعه الحب جوانا
ومن عطفك بتروينا
حنان منك على طيبه..



يا أمي ودنيتي وناسي
يا تاج زينت بيه راسي
يا شايله الهم وبداري
سنين عمرك ولا تقاسي..





يا رحلة صبر ويا كفاح
ودعاكي في ليل وصباح
ب حس بقلبي أنا مرتاح..
يا امي من رضاك عني

وسبحك

يا جنه تحت أقدامك
يا فاتحه للجميع بابك
وطرحه خيرك على غيرك
يا أمي يا زايده أفضالك..





يا صبر أيوب...!!

قمر الليل..



وحياة الحب اللي جمعنا..
والناس حوالينا بتسمعنا
والعهد اللي ما بيني وبينك
يحرّم على قلبي يشوف غيرك
واشوف في هواك أحلا سنيني
واعيش وياك أحلا سنينك..
واشوفك دايمًا متهني
واجيلك نسهر ونغني
مع قمر الليل ويا نجومه
ويقولو الناس والا يلومو
أنا قلبي دايب في غرامه

((46))





ولآخر العمر يكون بيتك
ساكن في القلب ومتهني..
واكتبك م الشعر اغاني
منا روجي عشقك وأتاري
اللحظه اللي بعيشها في بعدك
بتبدل حالي وحنيني..





يا صبر أيوب !!..

كورونا..!!



قد حان الوقت أن أكتب..
وأوصف حزن فيه بنعيش
حبيبتي يا مصر ليك بكتب
ومن غيرك عشانه أعيش
يا شعب الفرحه ليك نادره..
وطول ليك ما فيه غير خوف
خوفك من كورونا قادره
تصيب أقرب ما ليك وتشوف
تشوف الدمع في عيونهم
نصيبهم م القدر مكتوب..
نصيبك م الزمان كان لك
يكون حزنك عليك مغلوب
ومين غيرك يشيل همك..؟
وتمشي في ساقيه دنيا دور..!!





يا صبر أيوب...!!

خليك غالي ..



خليك غالي..
ودايما فوق
اوعى الناس..
تشوفك مكسور
واللي في يوم
هيطيب جرحك
بكرا هيفتح..
فيه ويعايرك
خليك دايما
رافع راسك
واوعى تآمن





مره ل ناسك..
دول في الفرخ
تملي معاك..
دول في الشده
ناس بيعاك
خليك يوم..
ما تكون مخنوق
تقفل بابك
لما تروق..
متخليش ضعفك
مكشوف
بكرا هتقوى
عليه وتقوم
خليك عايش
كيف سلطان..!؟





تعلی مكانتك
مهما إن كان
تلقى الكل
الیک بیقرب
یمدح فیک
ما هو أنت تشرف ..





يا صبر أيوب !!..

وجع الفراق..



من شويه..
كنت وحدي
افتكرتك فضلت
أبكي..
شوقي ليك
خاني وغلبنني
حتى احساسني
كسرني..
لما روحت بعدت
عني..
وابتديت انت





الفراق..
كان ساعتها
الجرح صاحي
كان واخذني
للآلام..!!
ضريبة الحب اللي بينا
كأنه سهم في قلبي صاب
داويت جروحي
جوا مني..
وعشت باقي
العمر أخاف
لما خاب ظني كأني
عشت وهم
وكان سراب..!!





يا صبر أيوب !!..

يا صحبة الأحزان ..



يا صحبة الأحزان..

بايعه سنين عشره..!!

يا قلوب ما ليها آمان

وناس اصول قشره

أخذو الوسام في الغدر..

عشره على عشره

يا كل قلب حزين

صابر على الأوجاع..

مظلوم أوي ومسكين

الكل ليك أهو باع..

صاحبك قليل الأصل .. بره الحياه ارميه..

وان جاك في يوم ندمان .. اياك تأمن ليه..!!





يا صبر أيوب !!..

بدويه..



بدويه البهيه..

يا لمة الأحبه في كل البلاد
يا بعدا ما بينا كثير مسافات
يا أقرب مالينا في دم الوريد
تمر الليلي تمر السنين..
قرايب حبايب في كل البلاد
يا أرض المحبه جمعتي الاحبه
وعنا وعنهم كنا في توهه
رجعنا بشوقنا رجعنا بحنين
ومن بعد غربه وفراق السنين
هيفضل وصالنا ونفضل نصونه
وعهد ما بينا لا يمكن نخونه..

((55))





يا صبر أيوب !!..

أوجاع شاعر !!..



كتبت الشعر من تعبي..!
رسمت الوصف والتعبير
لقيت زايده الألم وجعي..
وأنا انسان يا خلق ضعيف
ف بكتب شكوتي بقلممي..
وبكتب عن سنين عمري
وعن صحبة زمان بتضيع
وعن حلمي اللي بتمناه
يكون لي السند وحياه
ولجراحي دوا بتطيب..
وبكتب عن قلوب قاسيا





وناس تقسى وناس تجرح
وناس للخير كانت ناسيا
تعيش بين البشر تفرح
كتبت الوهله من حزني
ديوان كامل ما فيه غير شطر
شطر الفرحة من عمري
كتبته في سطر أحزان !!..





يا صبر أيوب !!..

ليه يا دنيا..؟؟



ليه تملي بحس اني ..؟

تايها روعي مني عني

والسنين عماله تجري

واللي راح مش تاني راجع

أيه يا دنيا فيك فضلي ..؟

دا اللي فات كان احلا عمري

واللي جاي كله مواجع !!..



((58))





يا.. قدس ..!؟!



حزينه عليكي يا أرض البتول..
يا مسرى ف يوم مر بيها الرسول
حزينه عليك يا طفل الحجاره..
شهيد الحروب يا روح الطهاره
حزينه عليكي يا أرض الجوامع
ف يوم بعد يوم تزيد المواجه..
حزينه عليكي يا قدس الحزينه
حزينه عليكي يا أجمل مدينه..



((59))





يا صبر أيوب !!

فراق ..



أنت اللي فارقت قلبي..
ومشيت من غير وداع
راجعلي ليه بتبكي..؟
ما خلاص الحب ضاع
كنت بتوعد وتحلف..
وتقولي كثير وتخلف
ان الفراق لا يمكن
يكون طريقنا لكن
اخترت عني تبعد
وتغير في الأماكن
أنا قلبي كان بيقسى





لكنه مكنش داكن..
وسافرت كثير في جرحك
والجرح في قلبي ساكن
راجعلي ليه بتحكي..؟
وتقولي انسا اللي فات
في بعدك كنت ببكي
واصرخ من غير آهات..!
وعايزني انسا تاني
انسا الماضي وزمان
والجرح واللي كان..





يا صبر أيوب !!..

حب عمري ..



اتكتب لي عمري تاني ..
يوم ميلادي كان معاك
عمري قبلك مش عشاني
دا ابتدى بلحظة لفاك ..
قلبي دق لما شافك ..
لما جيت عيني ف عينيك
ضحكت الدنيا ف عينيا
قولت نبض القلب ليك
عشت بحلم بيك ليالي ..
والنهارده أنا بين ايديك
حب عمري أنت يا غالي .. قلبي روعي عقلي فيك ..





يا صبر أيوب !!..

دنیا عجیبه !!..



لا تقولي يمين..
ولا حتى شمال
دي دنيا طريقها
مالهوش أمان..!
فيها كتير منهم
خائنين..
فيها فقير
وضعيف يتهان
فيها القوي
عامل غلبان..





فيها الموت..
كان اسمه ضمير
ساكن جوا..
قلوب ظالمين
لابسين توب..
في ملاك متزين
والمظهر دايمًا بيبين
ان الظالم شكله بريئ ..
والطيب على طول مظلوم
تقسي عليه الدنيا تملي
تجرح فيه والكل يلوم..!!





يا صبر أيوب...!!

أحزان صبيه..!!



قالولي ليه للحنن..!؟

بتميلي يا صبيه..

أنا قولت يا ما الوجع

علم كثير فيا..

لا جيت في يوم اشتكي

ولا احكي ع اللي جوايا

بس الوجع زاد..






وقلبي الجذع سلم
وقال كده كفايه..
خلصت طاقة الصبر
وأنا صبري مني نفذ..
لا رسيت في يوم على بر
ولا كان لي حد سند..





يا صبر أيوب !!..



أوجاع روح !!..



أنا كنت روحك وضلك
وعني روحك تخلت
ايه بعد مني فضلك
وف قلبي صورتك تجلت
وصبحه

من يوم ما راحو الحبايب
ودعت قلبي وروحي
منا كنت في العشق دايب
ف الهجر نزلت جروحي

((67))





أنا لما بشكي وأقول الآه...!!
بزعل اوي على روعي
مهيش سهله الجروح والله
ولا هي سهله آلام بوعي..



مش وحيد..
مش وحيد أبداً حبيبي
يكفي حبك ف وريدي
افترقنا وابتعدنا..
وف دروب الدنيا توهدنا
مهما نهرب من سنينا
حبنا ساكن قلوبنا..
ذكرياتك عايشه فيها
والقمر يشهد عليها





كل مره كنت أبكي..
النجوم تحزن معايا
قصتي ف طويله..
وحكايتنا بالف ليله
مره طيفك جه نداني
وابتسملي من بعيد
زود الجرح اللي فيا
رغم قلبي كان سعيد
والحنين م الشوق غلبنى
ع الفراق يارب عيني ..





عجبي...!!



عجبي عليك يا دنيا..
حملك ع الكتاف بيزيد
مشيا الخلايق تشكي
وفيها الهموم بتزيد
عجبي عليك يا زمن...!!
فيك البشر الوان
فيك الخسيس يؤتمن
وابن الأصول يتهان..



((70))





يا صبر أيوب !!..

مواجه !!..



العمر مني اتسرق..
وأنا لسه ببكي على اللي راح
احنا خلائق مش ورق..
كل اللي عدى كان جراح..



هو ليه شر الأسيه..؟
ع البشر مطبوعه فيهم
هما ليه عاملين ملايكه
والسواد جوا ماليهم
متصحيش المواجه
ولا تحكي عن اللي كان
جرحي في القلب واجع ..
م اللي كان لي وخان !!..

((71))





يا صبر أيوب !!..

غرام الحب !!..



بعشق غرام حبك ..
يا واخذني على دربك
أنا قلبي مش ملكي ..
سرقو هوى قلبك ..



أنا نجمه جنب القمر
بسهر معاك لياليك ..
وياك عشقت السهر
وبنام في حضن عينيك ..



ياللي في القلب مكانك
نظره واحده من جنابك
تحبي عمري من جديد
ابتسم افرح أغني كأن شوفتك ليا عيد ..





يا صبر أيوب !!

دقة قلب..



قلبي دق وحب تاني..
بس خايف من زماني..
خايفه يضحك ليا عمري
وفرحي عمره يكون ثواني..





يا صبر أيوب !!..

أرض المحبه..



أرض المحبه طرحت وجع..!
قالولي أقوى ده أنت جدع
ضربت حظي في الودع..
طلعتي كذب ووهم وخدع
ما هو كله كان أصله بدع..





يا صبر أيوب !!..

دايرة الأحزان !!..



يا جرح جوا ضلوعي..
ساكن في قلبي سنين
ازاي اداري دموعي
وأنا جوا مني حزين..



بنضحك والله ونداري
في عز الحزن أوجعنا
غريبه الدنيا واتاري
تملي بزيفها تخدعنا..



ليه حلمي موتوه..؟
قبل الأوان بأوان
والفرح عني يتوه
في دايرة الأحزان..





يا صبر أيوب !!

ليه يا حنين ..؟؟؟



عديت سنين العمر وفضلت أراجع
كم حد كان جنبنا وف لحظه فارق
وشريط يدور بالذكريات كله مواجع
بكيت وقولت يا حنين ليه تاني راجع





يا صبر أيوب !!

وأيه يعني..؟!!



وأيه يعني..؟
نداري الدمع في عيونا
أحسن ما نبكي..
وتيجي الاله تفضحنا
ولمين هنشكي..؟
ونحكي في حضنه اوجاعنا
احنا اللي ياما..
دارينا في عز الوجد جراحنا
وقيدنا بدالها..
شموع تبدل حزن لأفراحنا
احنا اللي..
مهما الزمن يقسا ويخدعنا
بنضحك ع اللي فاكرنا هنبكي ف يوم ما يودعنا..

((77))





يا صبر أيوب !!

هموم القلب..



اللي هان عليه فراقنا..
وقت لما احتاجنا ليه..
صعب يرجع ويلاقينا
لسه روحنا دايبا فيه..



همك كبير يا قلبي..
طب قولي مين يسمعك
كلهم عاملين حبايبي
وجرحهم منهم بيوجعك..



انتي ليه يا عين بتبكي..
ع اللي فاتتو وراحوا
مهما تحكي مهما تشكي
قلبي زاد وجعه وجراحه..





يا صبر أيوب ...!!

سنين العمر..



سنين العمر

بتتسر سب ...

سنين العمر

ونبكي ع اللي....

كان لنا

وايام طعمها كا المر ...

خلاص مات الأمل فينا

وبتنفس.....

حلاوة روح

ما جو القلب....

يا ما جروح

((79))





بتنزف بس
مش بتبوح
وكاتمه آلامها جوانا
ياروح دابت ...
من الأحزان
يا ضحكه ..
لما غبتي زمان
طريق الفرحة...
عنه انا توهت
ما بيني ...
وبينه ليه حرمان..؟؟





يا صبر أيوب...!!

الأطلال..



ليه اللي حب في عمره ما طال..؟
وفضلنا نبكي على الاطلال
وصوت الست ولياليها..
وأحلامنا ياما ضاعت فيها
وليه بنقسي على قلوبنا..؟
وليه عذابها بيحلالنا..؟
وليه تملي يا عين نشتاق..؟
لحب كان في نهايته فراق
بنعذب بايدينا في روحنا
وندور ع الي بيجرحنا..
ومفيش ولا حاجه بتسعدنا





ليه دائماً يا زمان بتعاند..؟
ولأمتي هتفضل بتكابر..؟؟
ويا حلم لما نقربك
بتأخذنا على توهه في دربك
والفرح لو قرب مني..
ألاقي دمعي انا في النني
مسيرها الدنيا مش باقيه
ومعايا اصلا موش فارقه
وانا اللي ليها بقى مفارقه..





يا صبر أيوب !!

بقولك أيه ..؟؟



بقولك أيه ..؟
متوجعنيش
ولا تقوليش
بان لا قبلي ..
ولا بعدي
ولا تقوليش
باني هعيش
في هوا حبك
غرام دايبه ..
وان مشاعري
ليك سايبه

((83))





وان العمر
يحلا بي..
وعشق الجنه على بابي
بقولك ايه..؟
متوهمنيش
بدنيا جميله
هتسعنا...
وكل الكون هيسمعنا
ويحكو عننا
حكايات...
ما هي في الاصل
كات روايات
كأنه فيلم عدى وفات
فبقولك ايه..؟
متوجعنيش!!





يا صبر أيوب...!!

بعد أيه ..!؟!



بعد أيه.....!؟!

جاي تلومني

وتعاتبني.....

ع اللي فات

جاي بتطلب

تاني ودي....

جاي تقولي...

الذكريات.....





أحسب الفرح
في عمري.....
لما عشت.....
سنين معاك
وأجمع الأحزان
عليهم.....
تلقى ناتج
جرحي زاد...!!





يا صبر أيوب...!!

أنا القاضي..



أنا القاضي..
أنا الجلد..!
أنا اللي بلف
ياما بلاد..
أدور ع الأمان
والعدل..
الاقى الظلم
زاد الحد..
وقل الخير
وراح الود
ميزان العدل





يا صبر أيوب !!..

ليه اختل..؟
وليه ابن الأصول..؟؟
ينزل..
وليه الدنيا
تصبح غابه
ماليها الشر
جوا دايبه..
وناس تجرح
وناس بتخون
ولا للعشره..
ليه بتصون..؟؟





يا صبر أيوب !!..

خليك حريص !!..



ان كان لك حد غالي
اياك في يوم تخونه..
وان جالك مره باكي
قرب منه وصونه
متبعش حد غالي..
ولا تشتري الرخيص
النجمه نورها عالي
دايماً خليك حريص..





يا صبر أيوب !!

الارسل اللله..



ءءك عللنا يا ءلللنا..

لالل المرسللن

لالرسل اللله معلنا

لال اله العاللن..

ءءك عللنا بنعءر

ع الالاءه م اللل هان

مالرون ءا أصله ءر..

مءروف بطبعه أنه ءبان

((90))





من أي مله بينتمي؟؟
ملهش حتى اي دين
بيلعنوه كل البشر...
مسيحي كان أو مسلمين
حقك علينا يا نصيرنا..
قولناها واحنا موحدين
الا رسول الله حبيبنا..
صلو عليك في كل حين..





يا صبر أيوب !!

التعريف بالشاعرة

الاسم/ نهى السعيد بدويه

اللقب / الشاعره البدويه

مواليد / 1987/9/7

البلد / محافظة دمياط مركز الزرقا مدينة السرو

لقد حصلت على عدة جوائز من أكاديميه صدى سوريا للثقافة.

ومن جريدة على بابا مصر.





ومن جريدة النجم الوطني.

ومن بيت ثقافة السرو.

والعديد من الجوائز:

وكانت من أهم الجوائز التي حصلت عليها جائزتي من الشاعر الكبير (ابراهيم رضوان) في المهرجان الشعري الأدبي والتي شرفت وسعدت بها.

